

REFERAT MAA - Meeqqanut Atuarfeqarnermullu Ataatsimiititaq d. 23-05-2017

Mødedato Tirsdag d. 23. maj 2017 kl. 19:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Ilisimatitsissutit.....	6
1. klassemiit tuluttut ilinniartinneqarneq.....	7
Ingerlatsivimmi kukkunersiuisoqarneranit siunnersuutit naapertorlugit ulluunerani neqeroorutinik...	10
Kontut sisamanik kisitsisitallit akornanni aningaasanik nuussineq aamma atuareernerup kingorna o	14
Ulluinnarni meeqqerinermi neqeroorutit, immikkoortunut pilersaarusionerq.....	17
Aalajangiiffigisassat.....	21
Kommunimi atuarfiup siulersuisuinut qinersinermi 2017-imi qinersinermut siulersuisunut siulittaas	22
Suliassat Aningaasaqarnermut Inuussutissaqarermullu Ataatsimiititami.....	25
Immikkoortut matoqqasut.....	26
Taasariaqartut allat.....	27
Imaqarniliap akuerineqarnera.....	28

Punkt 0: Saqqaa

<p>Ilaasortat:</p> <p>Nivi Olsen (D), siulittaasoq</p> <p>Henrik Rachlev (IA)</p> <p>Knud Mathiassen (IA)</p>
<p>Uju Petersen (IA)</p> <p>Thiiooq Knudsen (S)</p>

Beslutning

Oqarasuaatikkut ilaapput Knud Mathiassen, Henrik Rachlev aamma Thiiooq Knudsen

Punkt 1: Oqaluserisassat akuerineqarnerat

Beslutning

Oqaluserisassat akuerineqarput.

Punkt 2: Nalunaarutit

<p>2A Siulittaasumit nalunaarutit</p> <p>2B Ingerlatsivimmiit nalunaarutit</p>

Beslutning

2A Sulittaasumit

Soqanngilaq.

2B Ingerlatsivimmiit

Soqanngilaq.

Punkt 3: Ilisimatitsissutit

Punkt 03A: 1. klassemiit tuluttut ilinniartinneqarneq

Beslutning

Ilisimatitsissut tusaatissatut tiguneqarpoq.

1. klassemiit tuluttut ilinniartinneqarneq

Atuarfimmuut politikkip atulersinneqarnerani, Kommuneqarfik Sermersuumi meeqqat atuarfiini 1. klassemiit tuluttut atuartsissutigineqartalissaaq.

Ilisimatitsissut

J.nr.: 51.01.17.03

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Ukiumit atuarfiusumit 2017 – 2018 kommunip atuarfiini tamani nukarlerni 1-miit 3. klassenut tuluttut ilinniartineq atuartsissutigineqartalissaaq.

Inassuteqaat

Meeqqanut Atuarfeqarnermullu Ingerlatsivimmit Meeqqanut Atuarfeqarnermullu Ataatsimiititamat inassuteqaatigineqarpoq:

- ilisimatitsissut ataatsimiititamat tusaatissatut tiguneqassasoq

Suliassamik saqqummiussineq

Meeqqat atuarfiini atualerlaanut 1-imiit 3. klassenut, tuluttut oqaatsinik ilinniartitsinerup atuartsissutigineqartalernissaa pillugu kommunalbestyrelsit atuarfimmuut politikkip atulersitsipput.

Taamalu kommunip atuarfiini tamani 1, 2 aamma 3. klasseni, sapaatip akunneranut tuluttut ilinniartitsisarneq ukioq atuarfiusumit 2017-2018-imi aallartinneqassaaq.

Klassenullu pingasunut taakkununga, ukiumut minnerpaamik tiimeqartitsivissanut 30 tiimit inissinneqarnissaat pisariaqassaaq. 1-3 klassenullu ukiumut tiimit atuartsiviusussat 700-miit 730-mut amerlineqassapput.

Ukiumut atuarfiusussamat 2017-2018-mut ukiumut aningaasarsiaritinneqartussat annertusisat 700.000 koruunit missaanniissapput.

Aaqqiissutissatut siunnersuut – suliartigut naliliineq

Atuarfeqarnermut immikkoortortap maanna nalilerpaa, illoqarfiup atuarfiit tamarmik naleqquttunik ilinniartitsisoqartut. Nunaqarfinni atuarfiit amerlanersaat pisariaqartinneqartunik pisinnaasalinnik ilinniartitsisoqarpoq, taamaanngippallu atortussat pisariaqartinneqartut illoqarfiit atuarfiinut piniarsinnaavaat.

Atualeqqaanut tuluttut atuartsinermik aallaqqaasiineq pinngitsoorani anguniagaqarfiusumik suliffeqarfimmi pikkorissarnermik, atortunik ineriartortitsinermik aamma ilinniartitsisunut atuartsissutissanullu pilersaarusiornermik ilaqartariaqarpoq.

Aningaasaqarnikkut sulisoqarnikkullu naliliinerit

Aningaasartuutissanut siunnersuutigineqarpoq 2017-imi 700.000 koruunit 5/12-iat, 291.000 koruunit missaanniittoq maanna killiliussat malillugit aningaasaliissutigineqarsinnaasoq.

Inatsisitigut tunngavissaq allakkallu tunngaviusumik uppersaatitallit

Atuarfik pillugu Inatsisartut inatsisaat nr. 15, 3. December 2012-imeersoq.

Kommuneqarfik Sermersuup Atuarfimmuut politikkip

Ingerlariaqqinnissaq

Angajoqqaat, atuartut, ilinniartitsisut, atuarfiit pisortaat atuarfillu siulersuisui tamarmik ilisimatinneqarumaarput.

Ukiup atuarfiusup 2017 – 2018 aallartinnerani, augustimi 2017-imi siunnersuut atulersinneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik piumanissaq pisariaqarsimanngilaq.

Innuttaasunik peqataatitsineq/attaveqaqatigiinneq

Angajoqqaat, atuartut, ilinniartitsisut, atuarfiit pisortaat atuarfillu siulersuisui tamarmik ilisimatinneqarumaarput tusarneqarlutillu.

Ilanngussaq

Soqanngilaq.

Punkt 03B: Ingerlatsivimmi kukkuniuisoqarneranit siunnersuutit naapertorlugit ulluunerani neqeroorutinik

Beslutning

Ilisimatitsissut tusaatissatut tiguneqarpoq Aningaasaqarnermut Inuussutissaqarnermullu Ataatsimiititamut ilisimatitsissutitut ingerlateqqinneqarluni.

Ingerlatsivimmi kukkunersiuisoqarneranit siunnersuutit naapertorlugit ulluunerani neqeroorutinik

Malitseqartitsineq

Ilisimatitsissut

Jnr: 44.03

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Ingerlatsivimmi kukkunersiuisoqarnerani siunnersuutigineqartut naammassiniarlugit, oktobari 2016imi ulluunerani neqerooruteqartarnermut immikkoortup iliuusissatut pilersaarutaa kommunalbestyrelsimut ilisimatitsissutigineqarpoq. Ulluunerani neqerooruteqarnermut immikkoortortap iliuusissatut pilersaarutip malitseqartinneqarnera 2017imi marsimi kommunalbestyrelsimut saqqummiunneqassasoq aalajangerneqarpoq. Suliniutit killiffii iliuusissatut pilersaarummi allaaserineqarput, taamaattumillu suliamik saqqummiussissumi ataaniittumi allaaserineqarput.

Inassuteqaat

Meeqqanut Atuarfeqarnermullu Ingerlatsivimmit Meeqqanut Atuarfeqarnermullu Ataatsimiititumut inassuteqaatit:

- iliuusissatut pilersaarut pillugu ilisimatitsissut tusaatissatut tiguneqassasoq
- suliaq Aningaasaqarnermut Inuussutissaqarnermullu Ataatsimiititumut ilisimatitsissutit ingerlateqqinneqassasoq

Suliassamik saqqummiussineq

Ingerlatsivimmi kukkunersiuisoqarnerata kingunerisaanik iliuusissatut pilersaarutip malitseqartinna.

Ulluunerani neqerooruteqartitsisarnerup pillugu ingerlatsivimmi kukkunersiuisoqarnerani pingaarnertut suliniuteqarfissat makku oqaaseqarfigineqarput:

- Ingerlatsiviup nakkutigineqarneranut ineriartortitsinermik pisariaqartitsineq
- Atorfiit amerlassusaat naammassissallugu aalajangersimasunillu paarlatseqartarnissaq ajornakusoorput
- Missingersuutitigut agguaasseriaatsip nalileqqinnissaa kontumullu pilersaarutip misissornissaa
- Aqutseriaaseq nutaaq pitsaaqutitut suliarineqarsinnaavoq
- Allaffissornikkut suleriaatsit tamakkiisunngortinnissaat
- Periusissamik pilersaarusiortoqassasoq
- Meeqquerivinnik isaterinissamut, atorunnaarsitsinissamut nutaanillu sanaartornissamut pilersaarusiorneq
- Suliat suliarineqarsinnaasut suliarineqartariaqartullu suussusersissallugit

Tamanna tunngavigalugu, iliuusissatut pilersaarusiortoqarpoq, immikkoortullu qulaani taaneqartut naammassiniarlugit suliniutissat tulliuttut aallartinneqarput/aallartinneqarnissaat siunniunneqarput.

- Immikkoortumut pilersaarummik suliaqarneq ilaatigullu makku sammineqassallutik:
 - Siunissaq ungasinnerusoq eqqarsaatigalugu periusissamik pilersaarusiortoqarnissaa
 - Aqutseriaatsimik nutaamik inerisaaneq

- Meeqquerivinnik isaterinissamut, atorunnaarsitsinissamut nutaanillu sanaartornissamut pilersaarusiorneq
- Ingerlatsivimmi sulisussanik atorfinitsitsineq taakkulu makkuninnga suliaqassallutik:
 - Ingerlatsiviup nakkutillinera inerisarlugu torersumillu ingerlataralugu
 - Missingersuutiniq agguaasseriaatsip nalilersoqqinnera kontumullu pilersaarutip misissornera
 - Allaffissornikkut suleriaatsit tamakkiisunngortinnissaat
- Paarlatsitut suleqatigiit aalajangersimasut piukkunnaatilinnik sulisullit pilersinnissaannut suliffissaaleqisunik piginnaanngorsaaneq
- Perorsaasunik amigaateqarneq pillugu naalackersuisoqarfimmik oqaloqateqarneq aallartinneqartoq

Iliuusissatut pilersaarutip malitseqartinnerani matumani suliniutit qulaani taaneqartut killiffissiorneqassapput. Tamanna suliarineqassaaq, iliuusissatut pilersaarummi oktobari 2016imeersumi allaaserineqartut sivisuumi suliarineqartussaammata, sulilu ineriartortinneqarmata. Killiffik maannakkut imaappoq:

Immikkoortumut pilersaarut:

Ulluunerani neqeroorutitut immikkoortumut pilersaarut maannakkut aallarnisarneqarnerminiippoq. Nutaanik meeqqueriviliornissamut, allanillu atorunnaarsitsinissamut/isaterinissamut pilersaarusiortoqareerpoq.

Immikkoortumut pilersaarut piffissamut ungasinnerusumut tunngasuusaaq, tassani ulluunerani neqeroorutit aquneqarnerallu qanoq nakkutigiuminarsarneqassanersut allaaserineqassaaq, paaqqutarineqarinissamik qulakkeerinninneq atuutilersinneqassasoq, kommunip meeqqueriviini perorsaasutut atorfillit qanoq ilinniagallit erseqqissumik allaaserineqassapput, meeqquerivinnillu ingerlatsinissamut piukkunnarsarluarneqassallutik.

Immikkoortumut pilersaarut 2017ip naalernerani piareertussatut naatsorsuutigineqarpoq.

Aqutseriaatsimik nutaamik inerisaaneq:

Novembarip qaammataani, atuarfintut immikkoortortami aamma MISImilu sulisunik peqataaffigineqartumik, ulluunerani neqerooruteqarfiusartuni nutaamik aqutseriaaseqalernissamut ineriartortitsinissamik siunnersuusiortussanik suleqatigiissitaliortoqarpoq. Tassani ilaatinneqarput ingerlatsivimmi kukkunersuisoqarnerani siunnersuutigineqartut naapertorlugit sumiiffinni aqutsinermik atuutilersitsisoqarnissaa.

Nutaamik aqutseriaaseqartitsilernissamut siunnersuutip 2017ip ingerlanerani kommunalbestyrelsimut saqqummiunneqarnissaa naatsorsuutigineqarpoq.

Missingersuutiniq agguaasseriaatsip nalilersoqqinnera kontumullu pilersaarutip misissornera:

Maannakkut ingerlatsivimmi ulluunerani neqeroorutitut tunngasuni aningaasaqarnermut tunngasut misissorneqaleruttorput, kontunullu pilersaarutit misissorneqarlutik. Tamanna paasinarsilluariapat, alloriarneq tullinnguuttoq tassaassaaq, missingersuutitigut agguaasseriaatsimik nutaamik ineriartortitsinissaaq.

Ukioq 2018imut missingersuusiortusumut meeqqueriviit akornanni agguaasseriaatsimik nutaamik suliaqartoqarnissaa naatsorsuutigineqarpoq.

Perorsaasunik amigaateqarneq pillugu ilinniartitsinissamut tunngasumik naalackersuisoqarfiup oqaloqatigineqartarnera aallartinniarnaqarpoq:

Ingerlatsivik arlaleriarluni ilinniartitsinissamut tunngatillugu naalackersuisoqarfimmit oqaloqatiginnikkumalluni misiliisaraluarpoq. Ingerlatsivik akissutisinissaminik utaqqivoq.

Paarlatsitut suleqatigiit aalajangersimasut piukkunnaatilinnik sulisullit pilersinnissaannut suliffissaaleqisunik piginnaanngorsaaneq:

Suliniut suli ingerlanneqarpoq. Manna tikillugu ulluunerani neqeroorutitut suliffissaaleqisunik sulisussarsiornerit iluatsinngillat.

Aaqqiissutissatut siunnersuut – suliutigut naliliineq

Suliniutissat qulaani taaneqartut naammassinerisigut, naatsorsuutigineqarpoq, ulluunerani neqeroorutigineqartartunik ingerlatsineq malunnaatilimmik pitsaanerulersinneqassasoq - tamatumalu kingunerisaanik kommunimi ulluunerani neqeroorutitut atuisunut sullissinermik nukittorsaaataassaaq.

Aningaasaqarnikkut sulisoqarnikkullu naliliinerit

Soqanngilaq.

Inatsisitigut tunngavissaq allakkallu tunngaviusumik uppersaatitallit

Soqanngilaq.

Ingerlariaqqinnissaq

Soqanngilaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqartinneqarnikuunngilaq.

Ingerlatsivinnit allanit oqaaseqaatit

Soqanngilaq.

Ilanngussat

Soqanngilaq.

Punkt 03C: Kontut sisamanik kisitsisitallit akornanni aningaasanik nuussineq aamma atuareernerup kingorna ornittakkanut tunngasuni konto 53-03 aamma 50-04-mi arfinilinnik kisitsisitalinnik nutaanik kontuliorneq

Beslutning

Ilisimatitsissut tusaatissatut tiguneqarpoq.

Kontut sisamanik kisitsisitalit akornanni aningaasanik nuussineq aamma atuareernerup kingorna ornittakkanut tunngasuni konto 53-03 aamma 50-04-mi arfinilinnik kisitsisitalinnik nutaanik kontuliorneq

Ilisimatitsissut

J.nr.: 06.02.04

Meeqqanut Atuarfeqarnermullu Ingerlatsivik – pisortaq Helene Berthelsen / HEBE

Suliassamik eqikkaaneq

Suliaq manna ilisimatitsissutaavoq. Suliami missingersuutini kontunik nuussinermut kiisalu atuareernerup kingorna ornittakkani immikkoortuniittut AKO/fritidshjemminut tunngasunut sisamanik kisitsisitalit kontuisa akornanni missingersuutini aningaasaliissutit nuunneqarnerannut tunngavoq. Atuareernerup kingorna ornittakkani sisamanik kisitsisitalit kontut, 50-04 aamma 53-03, akornanni aningaasat kontullu nuunneqarput. Nuussinikkut fritidshjemmit ataasiakkaat sunngiffimmilu ornittakkat ersarinnerulerlutillu pitsaanagerusumik missingersuutini aningaasat aqunneqalissapput. Nuussinermi aningaasartuuteqartoqassanngilaq.

Inassuteqaat

Meeqqanut Atuarfeqarnermullu Ingerlatsivik Meeqqanut Atuarfeqarnermullu Ataatsimiititamut inassutigineqarpoq:

- nuunneqartussat tulliuuttuni allassimasut tusaatissatut figuneqassasut.

Suliassamik saqqummiussineq

Atuareernerup kingorna ornittakkanut aamma sunngiffimmi ornittakkanut tunngatillugu ukiuni kingullerni allannguuteqartoqangaatsiarpoq, tamatumalu kingunerisaanik atuareernerup kingorna ornittakkanut aamma fritidshjemminut tunngatillugu kontut sisamanik kisitsisitalit, 50-04 aamma 53-03, aaqqissuunneqartussaapput. Ornittakkat pineqartunut atatillugu pitsaanagerulersitsiniarneq aamma aningaasaqarnikkut aqutsineq ajornannginnerulernissaa anguniarlugu taamaaliortoqarpoq. Nuussinermup kingunerisaanik atuareernerup kingorna ornittakkani marluusuni konto 53-03-mi kontut atorunnaartut matuneqassapput. Tassanngaanniit aningaasat Qajaasanut konto 50-04-mut, ornittakkaniit taakkunannga suliassamik akissusaasuulersunut, nuunneqassapput.

Tamatuma saniatigut atuareernerup kingorna ornittakkanut pingasunut kontut konto 53-03-miit konto 50-04-mut nuunneqarput. Taakku atuareernerup kingorna ornittakkat taaguutaat allanngortinneqarput atuuffiilu fritidshjemminngortinneqarlutik, taamalu fritidshjemminut konto 50-04-mi kontunut nuunneqassapput. Taamaalilluni ornittakkat taakku pingasut nutaamik kontonormortaassapput. Ornittakkat taakku konto 50-04-miittunut attuumassuteqarmata taamaattumillu aningaasaqarneq taakkununga ataqatigiissarlugu aqunneqartussaammata nuunneqarput.

Missingersuutini aningaasaliissutaasut akissarsiassanut kontut 53-03-06-01-10 aamma 53-03-06-01-16 taamatutaaq akissarsiassanut kontunut 50-01-06-60-01-10 aamma 50-01-60-01-16-mut nuunneqarput.

Aaqqiissutissatut siunnersuut – suliatigut naliliineq

Nuunneqartut eqikkarlugit imaapput:

- Atuareernerup kingorna ornittakkamut Illumut konto 53-03-62, konto 50-04-mut nuunneqassaaq, tasanilu ornittakkamut nutaamik arfinilinnik kisitsisitalimmik kontuliorqassaaq.
- MINI Klubben AHL Nuummur konto 53-03-68, 50-04-mut nuunneqassaaq, tasanilu ornittakkamut nutaamik arfinilinnik kisitsisitalimmik kontuliorqassaaq.

- Atuareernerup kingorna ornittakkamut Inneruulanut konto 53-03-64, konto 50-04-mut nuunneqassaaq, tassanilu nutaamik arfinilinnik kisitsisitalimmik kontuliortoqassaaq.
- Atuareernerup kingorna ornittakkamut Timaamiunut konto 53-03-61 matuneqassaaq. Kontumiit tassanngaanniit missingersuutini aningaasaliissutit fritidshjemmimut Qajaasanut konto 50-04-65-imut nuunneqassapput.
- Atuareernerup kingorna ornittakkamut Kangillinnguvinut konto 53-03-67 matuneqassaaq. Kontumiit tassanngaanniit missingersuutini aningaasaliissutit fritidshjemmimut Qajaasanut konto 50-04-65-imut nuunneqassapput.
- missingersuutini aningaasaliissutit tamarmik konto 53-03-06-01-10-miittut konto 50-01-60-01-10-mut nuunneqassapput.
- missingersuutini aningaasaliissutit tamarmik konto 53-03-06-01-16-imiittut konto 50-01-60-01-16-imut nuunneqassapput

Nuussinikkut fritidshjemmit ataasiakkaat sunngiffimmilu ornittakkat ersarinnerulerlutillu pitsaannerusumik missingersuutini aningaasat aqunneqalissapput. Ingerlatsivik nussuinissat pillugit Aningaasaqarnermut Allatseqarfimmik ataatsimeeqateqarlunilu oqaloqatiginnippoq.

Aningaasaqarnikkut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppernarsaatitallit
Soqanngilaq.

Ingerlariaqqinnissaq
Soqanngilaq.

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfiup siuliini pineqartut malinneqarnissaat inassuteqaatigaa.

Innuttaasunik peqataatitsineq/attaveqaqatigiinneq
Soqanngilaq.

Ingerlatsivinnit allanit oqaaseqaatit
Soqanngilaq.

Ilanngussaq
Soqanngilaq.

Punkt 03D: Ulluinnarni meeqqerinermi neqeroorutit, immikkoortunut pilersaarusionerq

Beslutning

Ilisimatitsissut tusaatissatut tiguneqarpoq aammalu Aningaasaqarnermut Inuussutissaqarnermullu Ataatsimiititamut ilisimatitsissutitut ingerlateqqinneqarluni.

Ulluinnarni meeqqerinermi neqeroorutit, immikkoortunut pilersaarusioneq

Ilisimatitsissut

J.nr.: 44

Meeqqanut Atuarfeqarnermullu Ingerlatsivik – pisortaq Helene Berthelsen / HEBE

Suliassamik eqikkaaneq

Pilersaarusionermut periusissaq 2014-imeersumut atatillugu, aalajangiunneqarsimavoq kommunip ,tunaartatut, sulinermi immikkoortunut pilersaarummik suliaqartoqassasoq. Taamaattumik immikkoortunut pilersaarummik ulluinnarni meeqqerinermi neqeruutitut suliaqartoqassaaq. Immikkoortunut pilersaaruk tassaavoq ukiuni qulini tulluittuni ulluinnarni meeqqerinermi neqeruutini qanoq ineriartussanersoq. Immikkoortunut pilersaaruk immikkoortunut pingasunut alloriarfigilersugaavoq; siullertut killiffimmut nassuiaaneq, aappaattut anguniagaq, pingajuattut periusissamat pilersaaruk. Immikkoortunut pilersaaruk pingasunik ataqatigiianik imaqassaaq. Immikkoortunut pilersaaruk alloriarfigilersugaavoq pingasunik qulequtalik taakkulu immikkoortut pingasut siunertap immikkoortortai ataatsimut ataqatigiissaarput:

- Illut
- Perorsaaneq
- Aqutsineq

Inassuteqaat

Meeqqanut Atuarfeqarnermullu Ingerlatsiviup, Meeqqanut Atuarfeqarnermullu Ataatsimiititamut inassuteqaatigaa:

- Ilisimatitsissut ataatsimiisitap tusaatissatut tigussagaa
- Aningaasaqarnermut Inuusutissaqarnermullu Ataatsimiititamut Kommunalbestyrelsimullu ilisimatitsissutitut ingerlateqqissagaa

Suliassamik saqqummiussineq

Meeqqanut Atuarfeqarnermullu ingerlatsiviup immikkoortortap pilersaaruk tunuliaqutaralungu kiisalu ingerlatsiviup suliaareersunik isorisassarsioreernerisigut aalajangersimavoq kommuneqarfik sermersuumi ulluinnarni meeqqerinermi neqeroorutitut, immikkoortortami pilersaarummik suliaqarniarluni.

2030 tungaanut innuttaasut amerliartorujussuarnissaasa takorluuneranut ilimaginissaanullu, paaqqinniffinnik nutaanik sanaartortitsinissaq pisariaqarqarpoq, kiisalu sulisunik kajumissaanissaq aamma siunissaq eqqarsaatigalugu kommunip ulluinnarni meeqqerinermi neqeroorutai ineriartortuartissallugit taamaalilluta orniginartunik meeqqanut angajoqqaanut sulisunullu paaqqinnissamat neqerooruteqarsinnaasuaqqulluta. Ulluinnarni meeqqerinermi neqeroorutit iluini immikkoortuni pilersaarutip siunertarisaraa ataatsimoorussamik najoqqutassamik sammiveqarnissaq pilersaaruteqarnissarluni, kommuneqarfik sermersuup ulluinnarni meeqqerinermi neqeroorutit maanna aammalu siunissaq eqqarsaatigalugu ineriartortuarnissaa piviusungortinniarlugu. Kiisalu Immikkoortortami pilersaarutip takutissavaa Ingerlatsiviup qanoq qulaani taakkartorneqartut eqqortissanerlugit.

Ulluinnarni neqeroorutit iluini ingerlatsinerup kukkunersuinerisa takutippaat, suli immikkoortortani arlalinni nukittunersumik suliniartoqartariaqarnek pisariaqartinneqartoq. Tamatuma avataatigut Ingeniørfirma Masanti kommunip ulluinnarni neqeroorutit illuutaanik misissuisimavoq

tikkuarneqarsimallunilu annertuumik nutartigassanik kinguleruttoqarsimasoq taamaattumik immikkoortortami pilersaarutip iluani, pisariaqartitsineq, tamanna aaqqinneqarniartariaqartoq.

Ineriartornermi suliniutip killissarititai alloriarfigilersukkanik pingasunik aqutissiaateqarpoq, Meeqqanut Atuarfeqarnermullu ingerlatsiviup takusimasai Ingerlatsinermi kukkunersiunerup, pilersaarusiornermut periusissat aamma Masantip nalunaarusiaa tunuliaqutaralugit, taakku pingasut tassaapput:

- Illut
- Perorsaaneq
- Aqutsineq

Qulequttat taakku suliarinerinerisigut ilimagineqarpoq, immikkoortortami pilersaarutip ulluinnarni neqeroorutini pisariillisaanermi pitsanngorsaaneermullu iluaqutaajumaartut aamma, naatsorsuutigineqarpoq taakku nalunaarusiani innersuussutit qulaani taaneqartut, iluini. Tamatuma avataatigut naliginnaasumik pisariaqartinneqarpoq nutaamik isumaliortoqarnissaq qanoq aaqqissuuseriaaseq aamma ulluinnarni neqeroorutini aqunneqarnerisa qanoq innissaannik. Taamaattumik immikkoortortami pilersaaruk tassaassaaq, ukiuni qulini pilersaarusiaq, Kommuneqarfik Sermersuumi qanoq ulluinnarni neqeruutit pitsanngorsarlugillu nukittorsarsinnaanissaanut.

Maannakkorpiaq Kommuneqarfik Sermersuumi ulluinnarni neqeruutitini tamanuk aqutsisunik ineriartortitsinermit ingerlatsineq aallartinneqarsimavoq. Tamanna siunertarineqarpoq aqutsisutut inissisimanerup nukittorsarneqarnissaa. Tamanna aallartinneqarpoq augustip naanerani 2016 taannalu naggaserneqassaaq 2017-imi februarip aallaqqaataani. Aammalu kukkunersiunerup nalunaaruk tunuliaqutaralugu suliniummik aallartitsisoqarsimavoq, kommunip ulluinnarni neqeroorutaanni, aqutsisut qanoq ilusissaata aaqqissuuneqarnissaannik. Aqutsisut ilusissaanut pilersaaruk aaqqissuunneqarnera pisortap sulisuini Misi-p siunnersuisuiniippoq, pilersaaruk taanna immikkoortortaqarfiit assigiinngitsut akimorlugit sulisuuvoq. Pilersaaruk naatsorsuutigineqarpoq juni 2017 naammassineqassasoq. Pilersaarutip naammassinerani Immikkoortortanut pilersaarutip ilaannut atatillugu, siunissami ilusissamik aaqqissugaanermillu siunnersuumik innersuussummik sanareersimasoqassaaq.

Immikkoortortumut pilersaarut ilaannut atatillugu, siunissami ilusissamut/aaqqissugaanermut innersuut piareeqqassaaq qanoq ulluinnarni meeqqerinermi neqeroorutini aqutsisoqarnissaannut, suliniut naammassipat.

Immikkoortortami pilersaarutip sananeqaataa aamma piffissaatitaq

Immikkoortumut pilersaaruk pingasunngorlugi avinneqassaaq;

- Imm. 1.-lleq Killiffimmut allaatigininneq
- Imm. 2.-tut Siunertamut allaatigininneq
- Imm. 3.-tut aallartisarnermut pilersaaruk, suliniutissanut pilersaarutit, ilaassallutillu sanaartukkanut takussutissiaq.

Immikkoortortamut pilersaarutip 2017-ip naalernerani naammassineqarnissaa naatsorsuutigineqarpoq.

Aaqqissuutissatut siunnersuut – suliatigut naliliineq

Kommuneqarfik Sermersuup ulluinnarni meeqqerinermi neqeroorutini ineriartortitsinerani immikkoortortanut pilersaarutip ukiunut qulinut sivilisussusilimmut killiliuppai. Immikkoortumut pilersaarut aqutsinermit pilersaarusiornermullu sakkutut isigineqassaaq, politikkerit, aqutsisut kommunimilu sulisunut atugassiaq. Immikkoortumut pilersaarut, sanaartornermut tulleriaarinermut

tungaviliisuusaaq, siunissami aaqjissuussinermut, kommuunillu ulluinnarni neqeroorutaanut ineriartortsinneqarneranut ataatsimoortillugit qulakkeerutaateqataassasoq pitsaalluinnartumik.

Aningaasaqarnikkut sulisoqarnikkullu naliliinerit

Meeqqanut Atuarfeqarnerfiup ingerlatsiviata nalunaarusiaani naammaginngisat aaqinniarlugit, 2016-imi suleqatinik marlunnik ulluunerani meeqqerineri neqerooruteqarfimmi atorfinitsitisoqarsimavoq. Taakku suleqatit ilaatigut Immikkoortumut pilersaarut suliarissavaat. Suleqat ataaseq AC-fuldmægtigiuvoq pingaarnertullu suliarisussaallugu pilersaarummi aqutsisutut. Aappaa misissueqqissaartartuuvoq. Misissueqqissaartartup pingaarnertut suliaassaraa aningaasaqarnermut tungasut. AC-fuldmægtigi aamma misissueqqissaartartoq ataatsimoortillugit immikkoortumut pilersaarummut, suliniummik ingerlatsisuupput. Suliniummik ingerlatsisut immikkoortumut pilersaarummut piffissaq taamaat naallugu sulingillat, pissutigalugu ingerlatsivimmi aamma aallanik suliaqartartussaagamik.

Inatsisitigut tungavissaq allakkallu tungaviusumik uppernarsaatitalit

Pilersaarusionermut periusissat

Ingerlaqqinnissaq

Ataatungaani takuneqarsinnaavoq Immikkoortumut pilersaarutip najoqqutassaata pilersaarutaa.

Januarip qeqqani 2017	Imm. 1.-lliup aallartisarnera – killiffiup allaatigineqarnera
Martsip aallaqqaataani 2017	Imm. 1.-lleq Immikkoortumut pilersaarutip akuerineqarnera
Majip aallaqqaataani 2017	Imm. 2.-mi Imm. Pilers.-rutip aallartisarneqassaaq
Septemberip aallaqqaataani 2017	Imm.2-p Imm. Pilers. naammassineqarnera akuerisassanngorlugu
Septemberip qeqqani 2017	Imm. 3. Imm. Pilers. aallartisarneqassaaq
Decemberimi 2017	Immikkoortumut pilersaarusionerq naammassissaaq

Aningaasaqarnermut allatseqarfimmit oqaaseqaatit

Aningaasaqarnermut allatseqarfik suli tusarniaaffigineqarsimanngilaq tamanna suli attuumassuteqangittutut nalilerneqarmat Immikkoortumut pilersaarutip suliarineqarnerata nalaani.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinniit allanit oqaaseqaatit

Soqanngilaq.

Ilanngussat

Soqanngilaq.

Punkt 4: Aalajangiiffigisassat

Punkt 04A: Kommunimi atuarfiup siulersuisuinut qinersinermi 2017-imi qinersinermut siulersuisunut siulittaasussanik toqqaaneq

Beslutning

Inassuteqaatit akuerineqarput aammalu Aningaasaqarnermut Inuussutissaqarnermullu Ataatsimiititamut ingerlateqqinneqarluni.

Bilag

Bilag Valgbestyrelser-for-skolebestyrelsesvalget-liste-over-formÅnd-2017 KAL.doc

Kommunimi atuarfiup siulersuisuinut qinersinermi 2017-imi qinersinermut siulersuisunut siulittaasussanik toqqaaneq

Aalajangiiffigisassaq

J.nr.: 51.01.02.00

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Kommuneqarfik Sermersuumi meeqqat atuarfiini tamani atuarfimmut siulersuisunut qinersisoqassaaq.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Kommunalbestyrelsimut ilaasortanik Nuummi najugaqartunik Kommunalbestyrelse qinersinermut siulersuisut siulittaasussaannik toqqaassasoq, aamma illoqarfinni nunaqarfinnilu sinnerini qinikkamik pineqartumi illoqarfimmi nunaqarfimmiluunniit najugalimmik, illoqarfimmi nunaqarfimmiluunniit qinersinermi siulersuisuni siulittaasussanik toqqaassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ingerlateqqinneqassasoq

Suliassamik saqqummiussineq

Atuarfik pillugu Inatsisartut inatsisaat nr. 15, 3. december 2012-imeersumi § 45 imm. 13 aamma Atuarfimmi atuarfiup siulersuisuini angajoqqaat ilaasortaaitassaannik qinersineq pillugu Namminersornerullutik Oqartussat nalunaarutaat nr. 9, 12. april 2005-imeersoq malillugit atuarfinni siulersuisunut qinersineq ingerlanneqassaaq.

Aaqqiissutissatut siunnersuut – suliatigut naliliineq

Atuarfimmi atuarfiup siulersuisuini angajoqqaat ilaasortaaitassaannik qinersineq pillugu Namminersornerullutik Oqartussat nalunaarutaat nr. 9, 12. april 2005-imeersoq malillugu Kommunalbestyrelse kingusinnerpaamik 31. juuli 2017 Kommunalbestyrelsimi ilaasortanik Nuummi najugaqartunik Nuummi atuarfinni qinersinermut siulersuisuni siulittaasussanik toqqaassaaq. Tamatuma saniatigut Kommunalbestyrelse illoqarfinni nunaqarfinnilu sinnerini qinikkamik pineqartumi illoqarfimmi nunaqarfimmiluunniit najugalimmik, illoqarfimmi nunaqarfimmiluunniit qinersinermi siulersuisuni siulittaasussanik toqqaassaaq.

Aningaasaqarnikkut sulisoqarnikkullu naliliinerit

Atuarfinni siulersuisunut qinersinermut aningaasartuutit missingersuutinit matussuserneqarsinnaanerat naatsorsuutigineqarpoq.

Inatsisitigut tunngavissaq allakkallu tunngaviusumik uppersaatitallit

Atuarfik pillugu Inatsisartut inatsisaat nr. 15, 3. December 2012-imeersoq. Atuarfimmi atuarfiup siulersuisuini angajoqqaat ilaasortaaitassaannik qinersineq pillugu Namminersornerullutik Oqartussat nalunaarutaat nr. 9, 12. april 2005-imeersoq Kommuneqarfik Sermersuumi Atuarfeqarnermut Aqutsinermut Ilegqoreqqusaq

Ingerlariaqqinnissaq

Soqanngilaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq

Qinersineq inatsisitigut piumasaqaataavoq.

Ingerlatsivinnit allanit oqaaseqaatit

Taasiviit aamma taasinernik nakkaatitsiviit atorniarneqarnissaanut Tamanik Kiffartuussivik attavigineqassaaq.

Ilanngussaq

1. Aqqit allattorsimaffiat

Punkt 5: Suliassat Aningaasaqarnermut Inuussutissaqarermullu Ataatsimiititami

Punkt 6: Immikkoortut matoqqasut

Punkt 7: Taasariaqartut allat

Beslutning

Soqanngilaq.

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nal. 15:47